

Q. B. V. S. I. B. I. S. 24
DISPUTATIO PNEUMATOLOGICA
DE

ANIMA SEPARATA, 433.
Quam,

Approbante Amplissima Facultate Philosophica, in incluta ad Auram Academia,

SUB PRÆSIDIO

VIRI *Præclarissimi*

DN. M. JACOBI FLACHSENII,
Log. & Metaph. Prof, celeberrimi, ut Fautoris
& Promotoris sui certissimi; ita sincero gratoque animi
affectu jugiter prosequendi.

Candido Eruditorum examini publicè submittit

NICOLAUS CRUCELIUS,
Sudermannia-Svecus,

In Auditorio Maximo ad diem Junii, Anni 1678.

AB QÆ,

Excusa à PETRO HANSONIO Acad. Typogr.

и съвѣтъ въ
сѣбъ отъ земли рѣктиши
и.

АПЕЛ АМЕИА АПАЯ

Апелъ амѣиа
амѣиа и апелъ амѣиа
амѣиа.

БІОДАЯ

БІОДАЯ

БІОДАЯ
БІОДАЯ
БІОДАЯ
БІОДАЯ

БІОДАЯ
БІОДАЯ
БІОДАЯ
БІОДАЯ

БІОДАЯ

БІОДАЯ

THEISIS I.

Divinâ adfulgente gratiâ, argumentum hoc sublime prouersus, ideoq; intellectu difficilimum enodaturis, in frontispicio & priusquam discursus nostri ve-
la laxius explicuerimus, ne
concepto vento in ignotum
quali pelagus errabundi feramur, paulo accuratius
introspectiendum, *An detur in rerum natura Anima;* nam si non datur, quid opus est littus arare; quid
attinet de *non ente* disputare? cum de illo nulla sit
Doctrina, ut effatum sonat philosophicum..

THEISIS II.

Super quâ tamen quæstione longo verborum
apparatu prolixè disquirere de necessitate non vi-
detur, cum animæ existentia, quamvis non adeò à
priori, à posteriori tamen, operationibus sc. præ-
clarissimis, sole meridiâno illustriore evadat; accedit
unanimis saniorum Philosphorum consensus, quos
enumerat Aristoteles L. 1. de Anima, eorumque
assertioni ibi, sicut etiam L. 2. album addit calculū
argumento à potentia animæ se ipsam movendi

A

dedu-

deducto, dicens: Ψυχὴ ὅλη ἀνθρώπου γένεν; ut de pluri-
ribus ijsque clarissimis sacræ scripturæ testimoniis,
animæ existentiam apertissimè adstruentibus, ni-
hil dicam; adeo ut in D. Ruvij descendere senten-
tiam non verear, qui se nescire fatetur, habeat ne
ille animam, nec ne, qui se illam habere non co-
gnoscit vel dubitat: maximè cum se brutum affir-
met, qui animam tollit intelligentem.

THEISIS III.

Hilce ita præmissis paulatim ad animæ definitio-
nem nos accingimus, quæ vel nominalis vel realis.
In Ὀνοματογիα obſervamus Etymylogiam, Homo-
nymiam, & Synonymiam. Descendit vocabulum
animæ quod alij quasi ἄρεμοι seu ventum vel spiri-
tum dictum volunt, ab animando, etymo ab ejus
operationibus vel effectis detumto, quod scilicet
informando vivificet corpus organicum eique vi-
tales operationes communicet.

THEISIS IV.

Est quoque vocabulum hoc πολύσημον nunc ani-
mam significans vegetantem, quæ forma dicitur
plantarum, stirpium & arborum; nunc sentien-
tem, quæ brutorum; nunc intelligentem seu ratio-
nalem, quæ altera pars est hominis essentialis, sen-
tientem & vegetantem tanquam facultates sub se
comprehendens; accipitur etiam non raro vox a-
nimæ

nimæ pro toto composite συνεχῶς, quæ φέροις seu modus loquendi S. sancto in scripturis familiarissimus est.

THEISIS V.

Συνεχία pro varietate lingvarum variat: Ebræo idiomate *Nephesch*, *Neschamah* vel *Ruach* dicitur, Græcis ψυχή, &c. Latinis *Anima*, *Spiritus*, *Animus*, *Mens*, *Memoria*, *Ratio*, &c. ab effectu seu operatione transeunte una hæc eademque substantia spiritualis nuncupatur, unde D. Augustinus in lib. de spir. & anima cap. 13. Dicitur anima dum vegetat; *Spiritus* dum contemplatur; *sensus* dum sentit; *Animus* dum sapit; dum intelligit, *Mens*; dum discerit ratio; dum recordatur memoria; dum vult voluntas. Cum quo verbotenus ferè consentit Isidorus II. Etymol.

THEISIS VI.

Tripliçem deinde cum D. Bernardo serm. 107. & omnibus orthodoxis, animæ rationalis constituimus statum atque conditionem: primum in corpore corruptioni obnoxio: secundum sine corpore incorruptibili; & tertium in corpore incorruptibili & proinde totuplicem considerandi modum; ultimo, utpote qui omne ingenii humani acumen longè transcendens ex revelatione solum haberi potest divina, ad Theologiam; primo vero ad Physicam, tanquam forâ propria ac

competentia, remissis; de intermedio impræsentiarum, adspirante divinæ benedictionis aurâ, quatenus scilicet anima rationalis sub conceptu quiditativo spiritus est lumine naturæ cognoscibilis paucis acturi. Fuit ὄνοματολ. sequitur περιγραφα:

THEISIS VII.

De quidditate Animæ variæ variorum fuerunt opinione atque sententiæ: alii illam esse voluerunt sanguinem humoris admistum; alius *χερσών* quatvor primarum qualitatum; alius ignem; alii vero aërem; non nulli quoque animam aliquid ex atomis conflatum putarunt; alii aliter fenserunt: sed quod hi à plana veritatis via aberraverint, nullum nisi *αρρώστια διαβόλους* laborantem, fugere potest: nos itaque sobriâ Philosophiâ cum sacris literis conjuncta melius innutriti cum aliis rectius sentientibus talem animæ separatæ ponimus definitionē: Anima separata est spiritus finitus incompletus, ad corpus hominis informandū, naturaliter ordinatus.

THEISIS VIII.

Quicquid in universa rerum natura est, aut substantia est aut accidens; in familia accidentium animæ locum adsignare cum aliquis vix sibi præsumat, substantia sit oportet, quæ vel corporea vel incorporea seu spiritus: Si anima sit corpus, simplex erit vel mistum: at neutrum, E. Deinde, omne corpor-

poreum, secundum Aristot.lib. 8. auscult.Phys.c. 4.
text.28. Seipsum movens, duobus constet necesse
est: uno quod moveat & non moveatur, altero
quod moveatur & non moveat: sed homo se mo-
vet, movens autem in ipso est anima, quod move-
tur corpus: anima igitur non est corpus, alias cor-
pus à corpore informaretur, quod absurdum.

THE S I S I X.

Relinquitur itaque animam esse spiritum, quod
præter ejus originem seu creationem, quam per
inspirationem esse constat Gen.2,7. & hodiernam
propagationem, quæ independenter fit à materiâ
per traducem, de quibus in Physicis, facile eveni-
unt operationes ejus inorganicae Intellectio &
Volitio, quæ in Deum etiam cum cadant, à ma-
teria secundum rem abstractas & planè immateria-
les esse sequitur. Intelligendo certe anima corpo-
ralia quæq; longè transcendens ipsum spiritum in-
finitum, Intelligentias, imo se ipsam admirando
acumine scrutatur: sanè tantæ est subtilitatis, ut ad
intimas etiam rerum quidditates, penetret, vel
ad minimum penetrare contendat, à minimis effe-
ctis ad summam causam progrediens discurrendo:
quin etiam multa quæ nec sunt nec esse possunt,
apud se fingere, variosque modos atque habitudi-
nes inter illa excogitare valet. Hæc cum causæ ali-

cui materiali originem suā debere non possunt, sequitur animam non corpus esse sed spiritū : modus enim operandi modum essendi necessario sequitur.

THESES X.

Quin autem sit ~~spiritus~~ nullus inficias ibit, cum non modo essentiam à spiritu infinito distinctam, verum etiam ab illo suam agnoscat dependentiam: quicquid jam ab alio tanquam causâ effectivè dependet, non potest non esse finitum. Eo tamen dementiæ atque impietatis prolapſi sunt Carporates, quemadmodum prodit Irenæus lib. 1. contra Hæres. cap. 24. Cerdones, afferente Theodor. lib. de decretis divinis; item Gnostici Manichæi, & Priscillianistæ, teste Aug. de Hæres. cap. 46. ut animam humanā particulam crederent Essentiæ divinæ; quæ sententia quoque Philonis Judæi fuifle videtur, alicubi dicentis Deum corporibus humanis non nihil de suo Numine supernè inspirasse; & Plutarchi, qui inter sua scripta etiam hoc reliquit: Anima mentis particeps facta, non solum Dei opus est, verum etiam pars, neque ab eo, sed de eo, & ex eo facta est. Sed horum errorem, cum adeo sit palpabilis ut neminem latere potest, recitasse est refutasse; quod si anima divinamentis esset particula, aut Deus esset mutabilis quod à divina natura maximè abhorret; aut anima omnis mutationis expers

expers, quod falsum esse experientia rerum magis-
tra, maximo, proh dolor, cum nostrodamno, ex
lapsu protoplastorum luculentè commonstrat.

THESES XI.

Fecimus quoq; in data definitione mentionem *incompleti*, non sensu Logico, nec Physico, sed Metaphysico: non ut arguamus animam defectio-
nis vel imperfectionis quâ anima, sed ratione compo-
siti, hominis scilicet, cuius pars est essentialis, natu-
raliter ad corpus ordinata organicum, ut cum illo
unum constituat esse completum; quare etiam
ad redunionem cum corpore naturaliter est pro-
clivis; nec speciem absolvit perfectam, nec cadit
sub rationem suppositi, nisi per analogiam quan-
dam & reductivè, ^{ut} ut independentè subsistat
non sustentata ab alio. Diximus deinde animam
humanam spiritum incompletum ad distinctio-
nem ab Angelis, qui entia sunt completa, contra
erroneam Origenis sententiam, qui, referentibus
Thoma & Conibricensibus, discrimin illud speci-
ficum L. I. ~~ωδι αρχων~~ omnino tollere voluit; & Greg.
Venet. qui stramineis prorsus adductus argumen-
tis, animam angelo dignorem multo ac nobilio-
rem affirmare non dubitavit, de Harm. Mundi,
Cantio. 3 c. 2. Et hæc ad explicationem Definitio-
nis dixisse sufficient. Cum autem immortalitas ani-

mæ rationalis basis hujus discursus sit atque funda-
mentum, paulo altius de illa esse sollicitos forte è
re erit nostrâ.

THESES XII.

Omnibus ferè retrò seculis non defuerant, qui
animæ immortalitatem impugnare non erubue-
runt, utpote Sadducæi, teste Josepho de antq. Jud.
lib. 18. c. 2. & de bello Jud. lib. 2. c. 7. qui nec resurre-
ctionem mortuorum credunt Matt. 22. nec spiri-
tum Act. 23. sub quorum signo minus augusto nu-
merosæ militarunt hæreticorum turmæ, quarum
numerum inire placuit Aug. lib. de hærel. Epicuræi,
quibus mundanis turpitè immersis, voluptatibus
prima ventris cura fuit; quorum castra quoque se-
qvuntur Galenus & Plinius qui animæ immortaliti-
atem multis irridet, lib. 7. hist. nat. c. 55. nec mul-
tum ab his Leo X. Pontifex Romanus abhorruit, qui
audita aliquando insigni super immortalitate ani-
mæ disputatione, magis sibi placere aiebat illum
Cornelii Galli versiculum :

Et redit in nihilum quod fuit ante nihil.

Animo dubii fuerunt Clemens VII. dicente Ger-
hard. loc. Theol. tom. 8. & Ambracotta Cleom-
brotus, sicut narrat Cicero i. Tuscul. 4. de contem-
ptu mortis, unde etiam spontanea morte dereive-
ritate certiores fieri voluerunt.

THESES XIII.

T H E S I S X I I I .

Verum enimvero, quamvis ex scripturâ sacrâ pariter ac orthodoxorum Patrum documentis animæ humanæ immortalitas illustrissimâ die clarior refulgeat; impræsens tamen ut philosophi, ex dictamine rectæ rationis, paganorum exemplis, ac Philosophorum saniorum scriptis illam facile evincere conabimur.

Animam esse spiritum superius in thèsi 9. Satis probatum dedimus; spiritualitas autem à corruptione maximè est aliena. Unius præterea corruptio alterius est generatio, ut loqui amant Physici, ubi tamen anima suam ob simplicitatem alicujus generatio esse nequit. Sicut omnis materialitas causa est corruptionis, sic independentia à materiâ immortalitatis, unde argumentor: quicquid nec in fieri, nec in esse, nec in operari à materiâ dependet, illud omnino est immortale; at Anima &c. E. Justitiam denique tollit divinam qui animæ negat immortalitatem; Providentia divina omnia gubernat atque moderatur, experientia tamen dicit impijs atque atheis hominibus ut plurimum in hoc mundo omnia ad nutum fluere & ex animi sententiâ succedere, initium pœnæ autem de domo Dei sumi; quod si post hanc alia non esset expectanda vita, quando promissionem suam Justi-

tia divina, reddendi cuique secundum merita sua,
effectui dare?.

THESES XIV.

Gentiles etiam ex lumine naturali & principijs
connatis se esse immortales pulcherrimè nove-
runt: sic Thraces, secundum Herod. infantulum
recens natum, ob mala ipsi vitam ingredienti oc-
currentia, lamentationibus exceperunt & lacry-
mis, hominem verò mortuum perlusum atque læ-
titiam terræ mandarunt, cunctas fluctuantis hu-
jus maris tempestates defunctum omni felicitate
beatum rati. Idem de Ægyptijs, Chinensibus,
Pervanis, Indis, alijsque Barbarorum plurimis, Hi-
storiographorum est judicium. Huc faciunt
Ethnicorum Philosophorum testimonia ac dicta
prorsus præclara: Non rectè existimant, inquit
Socrates, qui mori malum esse arbitrantur, cum
tò mori nihil aliud sit, quam illuc migrare ubi vi-
vant, qui justè vixerint. Aristoteles affirmat In-
tellectum ἐφίππει L. 1. de anima, & L. 3. ipsum
πόνον ἀγανάκτην τὸν αἰδίον. & L. 2. de gen. animal. dicit
mentem extrinsecus accedere, ipsamque solam di-
vinam esse. Plato in Phædro, Phædone, in Phi-
lebo & Timæo, nec non in L. 10. de repub. & alibi
multa differit, ex quibus immortalitas animæ non
obscure intelligitur; cuius argumenta selectiora
sicut

sicut etiam Aristotelis enumerat Pererius L. 6.
Phys. c. 18. & 19.

THEISIS XV,

Ecce ut de alijs nunc altum sit silentium, unus pro omnibus nobis sufficiat magnus ille Seneca, qui in multis suis, quæ posteritati reliquit, scriptis egregiè nostris favet partibus: Alia, inquit Epist. 102. origo nos expectat, alias rerum status. Non dum cœlum nisi ex intervallo pati possumus. Proinde intrepidus horam istam decretoriam prospice, non est animo suprema sed corpori. &, dies iste, quem tanquam extreum reformidas, æterni natalis est. Et in consolatione ad Marciam: Animus nititur illo, unde demissus: ibi illum æterna requies manet, pro confusis crassisque pura & liquida visentem. Hinc Epist. 115. generoso quodam nisu sese extollit, dicens: Major sum & ad majora genitus quam ut mancipium sim corporis mei: quod quidem aliter non respicio quam vinculum libertati meæ circumdateum. Quid ergo jam obstat, quin cum D. Cryostomo concludam, eos, qui de animæ immortalitate hærent, dubitare etiam posse in meridie ne sit dies.

THEISIS XVI.

Immortalitatem sponte suâ sequitur separabilitas à corpore utpote corruptibili. Sed sunt qui in

animæ mortalitate adstruenda invictis se argumentis superatos esse cum cernerent, ne errori locus deesset, μετεμψύχωσιν quandam finixerunt, h. e. transitum animarum prioribus ē corporibus solutarum in corpora alia humana vel beluina, & id quidem juxta vitæ anteactæ rationem; libidinosos in porcos mutari, crudeles lupos fieri atque leones, astutos & callidos in vulpes degenerare, musicos in luscinias aliasque aves cantatrices transformari somniarunt. Sic Empedocles se olim pīcē fuisse perhibuit. Pythagoras se Euphorbum, in bello Trojano à Menelao occisum, fuisse ajebat. Ex falsâ hac hypothesi ortum est dogma illud Pythagoricum, quo esum carnis bubulæ instar gravissimi sceleris, severissimè prohibitum atque interdictum refert Tertullianus in apologetico contra gentes cap. 40. ne quis incautus carnem roderet avi sui vel proavi. Hujus quoque farinæ fuisse Manichæos docet Aug. de Hærel. Talis μετεμψ. Ovidio videtur placuisse Metam. 15.

*Morte carent animæ, semperque priore relicta
Sede, novis domibus vivunt habitantque receptæ.
Et paulò post: Animam sic semper eandem
Esse, sed in varias doceo migrare figuræ.*

THESES XVII.

Transanimatio verò hæc si ἀληγορικῶς & morali-
ter

tèr intelligatur, sine aliqua absurditate facilè potest admitti, de transitu autem physico & reali intellecta, ut absurdum planè & prorsus falsa, damnandum atque reiciendam censemus. Nam præter quod de fide certum sit & simpliciter verū animæ post separationem statum esse separatum, ~~μετεμψυχώσας~~ tali positâ, nulla daretur inter animas hominum & brutorum distinctio specifica, nec aliquid ratione dignitatis discrimen, cum tamen ex historiâ creationis, has ex eâdem materiâ, quâ corpora, illas verò per immediatam inspirationem creatas, adeoque longè nobiliores esse, notum sit. Forma præterea uni materiei proportionata plures informare nequit, sed requirit in sua materia informanda dispositiones actibus à se exercendis accommodatas, quas anima intelligens in corpore beluino vix inveniet. Si denique anima rationalis, quæ antea hominis alicujus fuit, in bruto daretur, etiam & illic intelligeret, cum intellectio naturalis sit animæ operatio, & ultimo, anima brutorum dicenda esset immortalis.

THESES XVIII.

Concludimus itaque animam humanam à corpore suo quasi è vinculis liberatam instat quo-dam consistere separato. De statu autem illo variæ variorum extiterunt & etiamnum existunt opinio-

nes atq; sententiæ. Nos salvo reliquorum judicio,
animam separatam in statu ponimus I. non super-
naturali, cum id solum hyperphysicè fiat quod ex
speciali Dei concursum causatur, sic ferrum aliquan-
do natavit, virgo peperit &c. Ubi tamen animæ,
cum sit natura sua immortalis, sufficit generalis
ille Dei influxus. Nec 2. violento vel contra na-
turam: violentum enim præsupponit extrinsecum
aliquid agens quod actui naturali sit impedimen-
to, quo sublato iterum naturaliter agit, sic lapis in
aëre manu detentus in statu est violento, & manu
sublatâ deorsum tendit, quod tamen de anima di-
ci non potest. Et posito, non tamen concessio,
tali extrinseco aliquo impedimento, illo remoto
haberet anima quemadmodum lapis descendendi,
ad corpus redeundi principium effectivum, & sic
resurrectio mortuorum per consequens esset na-
turalis, quod tamen absurdum. Diligenter autem
distinguendum inter separationem in fieri, quæ
quidem conjuncta est cum aliquâ violentiâ, & in
facto esse; deinde quoque inter animas piorum &
impiorum, has quidem, cum cruciatibus inferna-
libus nulla unquam major violentia, in statu vio-
lento esse non inficiamur, illas autem non item.

THESES XIX.

Nec 3. sententia de animæ separatæ naturali
con-

conditione, nisi in respectu ad statum hyperphy-
sicum vel violentum, sibi constare potest, ut ut il-
lam magni nominis viri amplectantur: maximè
cum anima sit ens incompletum naturaliter ad cor-
pus suum ordinatum, unde etiam proclivitatem,
appetitum atque propensionem ad corpus habet
ut cum illo ens constituat perfectum. Est jam
unio ipsi naturalis, separatio omnino, quæ unionis
est destructio, naturalis non erit. Est E. status
animæ præternaturalis, quia non convenit ei ex
propriâ & specificâ sua naturâ, neque ex inclina-
tione naturali; nec animæ finis est separata con-
sistere, sed corpus informare; est præterea separa-
tio ex accidenti, philosophicè loquendo, nec si
homo in statu integratatis permansisset, necessaria
fuisse.

THESIS XX.

Et cum status hic imperfectus, sit extra omnē
dubitacionis aleam est quod anima istum cupiat
deponere & rursus cum corpore suo conjungi:
nam omnis forma essentiam habet ad informan-
dum naturaliter propendentem; & omne incom-
pletum naturali desiderio ad perfectionem ten-
dit. Separatio deinde status naturalis non est,
quemadmodum in thesi proximè præcedenti di-
ximus, erit ergo unio, tertium non datur; unum
quod-

quodque jam naturali fertur appetitu in illud quod
ipsi naturale est, qui appetitus in anima, non est
accidens aliquod ipsi superadditum sed essentialis
ad informandum capacitas. Quamvis in diver-
sam abeant partem Plato & Origenes ex falsa scili-
cet hypothesi, animas nimirum ab æterno exi-
stentes in pœnam ante natum hominem admissi
sceleris in corporis ergastulum detrusas, unde de-
mum solutæ redunionem non modo non appet-
tere, sed potius manibus pedibusque, ut ajunt, fu-
gere; positam tamen sententiam, tanquam tutif-
simam defendimus, quicquid demum oggerat
Scotus cum universa sua familia, cum ejus argu-
menta facilimo negotio dilui possint.

THESES XXI.

Sed cum omnino otiosum esse naturæ maximè
contrarietur spirituali, animæ separatae operatio-
nes sicco admodum pede nec prætereundas me-
thodi ratio jubet. Photiniani, Arminiani, alijque
Hæreticorum non pauci, quos enumerat D. D.
Meif. Disp. I. de stat. an sep. parag. 9. animam post
separationem à corpore otiosam prorsus, atq; tor-
pentem esse, & instar gliris altissimo sepultam so-
mno delitescere. Nos autem affirmativam cum
gravissimis autoribus tuemur, præsertim cum ni-
hil sit vita vitale quin vitales edat operationes.

Nec

Nec nobis obstar tritus Philosophorum canon: Actiones sunt suppositorum: nam ad illa quoque quæ rationem imitantur atque statum suppositi est resttingendus; sic calor in igne calefacit quamvis non sit suppositum, &c. Sunt verò operationes animæ separatae nobis naturaliter notiores tres: Intellectio, Volitio, & Variatio Ubi; quamvis facultatem sensitivam & vegetativam quoad actum primum, propter identitatem illam quam habent ad animam, ipsi non præscindamus, etiamsi ob defectum organorum in statu separato in actum secundum producere non valeat.

THESES XXXI.

Intellectum animæ separatae non tribuere non potest recta ratio tanquam operationem ipsi maximè propriam: de actualia autem cognitione nunc status est controversiæ. Contrarium quidem svadere videtur Principium illud Philosophicum: Nihil est in Intellectu, quod non prius fuerit in sensu: nam, teste Philosopho, ipsi sensus species formant intelligibiles, quibus deinde phantasiae beneficio ad se delatis Intellectus res intelligit; Animæ jam in statu separato instrumentis hisce corporeis carenti actus intelligendi competere non videtur. Verum cum grano salis hæc regula est accipienda, nam non omnis rerum cognitio ex sensu haberit

C

potest,

potest, ut manifestum est exemplo Intelligentiarum & Sp. Infiniti; quin & nos Deum, Angelos, Animam rationalem, &c. quæ sub sensum non cadunt, intelligimus. Intellectio itaque cum sit actus planè inorganicus & merè spiritualis, adeoque ab animâ non corpore tanquam scaturigine suâ pululans, omnino animæ tribuenda.

THESES XXXIII.

Intelligit autem anima separata per species in statu conjuncto sensuum beneficio acquisitas inq; illum statum transportatas, quæ quamvis in fieri, non tamen in conservari à sensibus dependent, nec entitas illarum tam debilis est ut perpetuò causæ efficientis egeat influxu, quod apparet in somniis, ubi sensibus exterioribus ligatis, interni tamen in apprehensis speciebus negotiantur; Dari autem tales species intelligibiles in anima separata arguit recordatio atq; reminiscencia, quæ sine illis esse non possunt. De fide quoq; certum est sanctas animas cum angelis, Deum sine intermissione collaudare, quod sine prævia cognitione quomodo possit fieri? Et cum hic intellectu polleat in corpore, cur non magis ibi omni mole libera? imò modo longè perfectiore intelligit, quod veleorum exemplo probabile, qui ecstasi patiuntur, quod multò excellenter & diviniora intelligentia, quam mente sensibus de-

depreſſâ: quin etiam Deus animæ novas quoque species infundat non eſt quod repugnat, ſed potius poteſt probari de animabus infantum, quæ alias nullas ederent operationes. Cavendum tamen ne juſto majorem animæ tribuamus cognitionem, ſicut namque dignitatis gradu ab angelis diſterunt, ſic etiam intellectus universalem in terris notitiam animabus concedimus, particularem autem non item. Voluntas ſequitur intellectum (non ſubſtantialiter ſed relativè conſiderata) quod enim intellectus verè bonum judicavit, anima non poteſt non amare, qui actus eſt voluntatis. Hinc ſequitur Dei ſine intermissione collaudatio, unde non inconvenienter locutio animabus adſignari poteſt non quidem organica, ſed analogica, quæ fit per muvuam conceptuum communicationem.

THESES X X I V.

Supereſt jam ut coronidis loco de motione animæ paucis mentem noſtram explicemus, quæ Durando 3, diſt. 22. qvæſt. 3 & Pico Miradulano qvæſt. 1, Apolog: dura admodum & admiranda videtur; ſed potius dura & admiranda illerum ſententia, quippe qui animam vel animalculis etiam viliffimis vi- liorem faciunt, vel Deo conſimilem ob immenſitatem ſcilicet nullo aliquo $\pi\tilde{\gamma}$ circumscriptibilem. Non, planè nos fugit immobilitatem animæ pariter ac

reliquorum spirituum esse affectionem, sed sensu
physico de motu locali, qui per gradus fit successivè;
hunc quidem animæ competere nō posse fatemur,
caret enim, ob suam spiritualitatem, tendetitî suc-
cessione & progressionē. Hic loci autē sermo est de
motu metaphysico, Pneumaticis *Variatio Ubi* dicto,
vel, ut placet Scheiblero, Metaph. cap. 19. pag. 27.
Mutatio, quod in instanti fiat, quæ *variatio* πτ̄ non
consistit in motione aliqua locali, sed solummodo
præsentia subtractione; aliud jam est mutare *locum*
& aliud mutare *ubi*. Motus animæ necessario ad-
scribendus, ut scilicet cum hic vel illic adesse con-
cipiatur, alibi abesse intelligatur. Novimus ex su-
perioribus animam esse spiritum finitum: sicut jam
mobilitatem de Deo negamus, quod sit infinitæ
substantiæ; sic illam de anima affirmare possumus,
quod sit essentiæ finitæ: nam si negatio adæquata
causa est negationis, affirmatio erit affirmationis,
concedente Philosopho. De fide deinde patet a-
nimas in ipso separationis momento in Cœlum vel
etiam locum oppositum, damnatorum receptacu-
lum, transmigrare; & certum est animam post
mortem non esse in corpore, quæ absentia indu-
bitatō motionem dicit. Nec huic sententiæ sunt
impedimento sacræ scripturæ dicta, quæ animas ab
angelis portari affirmant, cum in illis saltē innuatur
quāt̄

quam magni aestimentur animæ nostræ corā Deo;
dicuntur etiam homines manibus angelorum por-
tari Psal. 91. non desinunt tamen per se esse mobiles.

THEISIS X X V.

Positâ sic in anima pòtentia seipsum movendi,
haut immerito quæritur an & alia possit movere
corpora? Spectabilis est affirmantium ordo: Abu-
lensis in Matth. Cominbricenses tract. de an. sep.
disp. 6. art. 2. Eustachius, Ebelius Coll. metaph.
part. spec. d. 7. Geilfusius Contempl. Pneumat. xi.
thes. 7. &c. Ne autem in fugienda Papicolarum
& quorundam Gentilium, animarum redditum cre-
dentiū, castra transeamus, qnamvis super hac re
nihil ferè certi à quoquam sit definitum hactenus,
cum D. Mejero tamen in hujus quæstionis negati-
vam sumus propensiōres: nam non videtur posse
probari inclinatio aliqua in anima ad alia corpora
movenda, quamvis naturalem habeat ad pro-
prium propensionem. Quod argumentantur à po-
tentia angelica, id à baculo ad angulum procedit:
scilicet, quia equus tot ponderum sarcinam por-
tare valet, ideo & lepus. Disparē, ut puto, poten-
tias disparē seqvuntur operationes. Et si quis exi-
stimet se oculis aliquando usurpare animas mor-
tuorum, misere fallitur, diaboli ludibrium fuit, &
dæmones defunctorum speciem mentientes.

Aliis animæ proprietatibus, quas cum reliquis spiritibus habet magis communes, ut sunt *Unitas*, *Immutabilitas*, *Immobilitas* &c. tanquam quæ in loco de spiritibus in genere explicari soleant, consultò omissis, hæc pro ratione instituti, non ut voluimus, sed ut potuimus, de nobili hac materia meditata sufficient, quæ si grata fuerint Deo & bonis accepta, ex animi sententiâ nobis successit: de cane auctem rhetorico, qui suâ semper vescitur naturâ, non magnoperè sumus solliciti, cum malis disciplinæ ultrò cupiamus.

SPIRITU INFINITO INFINITA GLORIA!

Ad Juvenem virtutum, literarumq; culturâ Politissimum,
DN. NICOLAUM CRUCELIU M, Sudermannum,
Reg. Acad. Aboënsis eivem maximè industrium, disputationem
hanc edentem in publicum, amicum sincerè dile-
ctum, Schediasma:

ENt hea mens hominis, qua singula membra caducij
Corporis atque artus vivificare potest,
Spiritus est, ortum qui cælo debet & expers
Est mortis, tristes effugiensque rogos.
Scilicet à mundi restore est in dita primo
Mens homini; inde omnis multiplicata Dei
Mandato est anima & vivit sine fine superstes
Post cineres, Campos vel colit Elysios,
Vel Phlegethonæ submersa est gurgite, quorum
Vita timore Di, prob dolor, orba fuit.
Tu bene, CRUCELI, ratio quod monstrat, in bise
Ostendis thesibus de propriis animæ.
Cetera divinis committis fontibus; olim
In cælo illustris mens eris atque micans.

Quod subito fudit L. tamen M^o
MARTINUS MILTOPÆUS.

Ad Virum Juvenem
Præstantissimum & Politissimum,
DN. NICOLAUM CRUCELIUM,
Regiæ Acad. Aboënsis civem perindustrium, amicum di-
lectum; in Pneumatologia de Anima doctè
disputantem:

Est anima in nobis cœlestis originis, illam
Primo cunctipotens indidit atque dedit.
Spiritus in vacuas humanus non abit auras;
Damna sepulchri nec sentit, ~~aut~~ igne perit.
Igneus est vigor, & formas excludere rerum.
Novit mirificas mens animata satis.
Hæc te materies, certè dignissima cedro
CRUCELI exercens ingeniumque polit;
Dum satagis ratio quantum hic cognoscere possit.
Monstrare, & quantum corporis exuvias
Relictis valeat, divinæ hæc portio mentis:
Cætera Theiologum scripta sacrata docent.
Laudat conatus CRUCELI turba novena
Tantas, & spondet præmia grata. Vale.

Extemponeam hanc congratulationem
transmittit honoris ergo
JACOBUS FLACHSENIUS.

In JUVENEM
Virtute & Literis pereximum,
DN. NICOLAUM CRUCELIUM Sudermannum,
de Animâ separatâ acutè disquirentem, Amicum perdilectum,
Epigrapha.

Elevat à rebus mentemque animumque caducis,
Quem non mortalis spiritus intus agit.
Nam glebam sapiunt quæ sunt terrena; perennis
Cognitio est Anima, vasta superna petens.
Imò, quanquam animat Corpus vegetatque caducum;
Mens hominis, demum libem mole viget.

Certè tota Tibi meditatio, docte CRUCELI,

Hec triplex certa vel penetratur acu.

Namque levas animum terrenis, inque superna

Te penetras Animæ, quando soluta viget.

Quare Corporeis navis Tu denique liber,

Alipedum tempe visere jure potes.

Angelicos certè visurus es usque triumphos,

Dum Te terrenis Mens pie docta levet!

Scripsit L. Mq;

PETRUS LAURBECHIUS,

Poël. Prof. Ordinarius.

Eximio Dn. NICOLAO CRUCELIO,

Auctori hujus Disputationis, De *Anima humana* absolute
consideratæ, ingeniosissimo, fautori & amico
suo perquam dilecto;

Spiritus humanus quid possit mole solutus

Corporis, ecce doces, mentis & artis op;

Est pol materies in quâ dulcedine mentis

Sese exercebit spiritus iste tuus;

Ergò tibi summus studiorum præmia tanta

Spiritus exhibeat, quanta Minerva cupit,

Sic inter doctos speciosæ lumina mentis

Ostentare potes splendidiora tua,

Non aliud tantis conatibus auguror: anne

Et laurum & titulos, Turba novena, negent

Quæ tibi Scicelides, jam jam decernere norunt.

Upsaliæ atque Aboæ, non sine honore Deas?

I pede inoffenso: queis sunt onerata ferendo

Fata, viri laus est exonerare. Vale!

NICOLAUS CRUCELIUS,

per anagr,

In cruce laus oculis.

In cruce, laus, oculis Christi, spectanda, paratur,

Quam comitatur honos non moriturus? age!

Subito scripsit

JOHANNES FLACHSENIUS.

*Praestantissime, literarum ac morum amabilitate
politisime*

DN. NICOLAE CRUGELI,
Dissertationis hujus, de *Anima humana* separatim sumpta,
author per industrie; fautor & amice in paucis
fidelissime.

Multò maximam partem hominū, præteritā, etiamnum hac tem-
porum facie, eo laborisse vitio, unum nimirum alterū prosequu-
tum fuisse odio, & alienæ invidisse virtuti, nec non ipsum dignita-
tis infregisse florem, æmulando, vel ipsamē experientia magis-
trabundē testatur. Nec aliud hominibus frequentius fuit, familia-
riusve, hoc detestando more. Quod probè animadvertisens Hesiodus,
Poëta molissimæ savitatis, & sui seculi ornamentum haud po-
stremo ponendum loco, sententiam hujus rei talem exstare nullus
dubitavit: & figulus figulum odit, & vicinus vicinum æmulatur.
Quæ verba & pulchrè, & vere ab ipso effata, indigitant ingenia
mortalium ita inclinata esse, ut vel excoli aliorum possint ingenis,
hoc est, æmulatione & assidua lucubratione; vel invidiâ, eminen-
tioribus adhærente rebus, quæ non exiguum nitentibus ad honores
addit incitamentum; vel etiam admiratione, incitationem ad vir-
tutem accendente, quod tunc præserit evenit, cum quis modo rei
claritate, modo livore stimulatur, aliquem sibi aquatum cernens
prælatumve, cui se parem sentit, aut superiorem cupit. Pravi af-
fectata quadam malitiâ ducti, eo stulticiæ progressi sapientiale, a-
lius industriam maligno intueantur vultu, feriantquò turpiter,
sc. suæ inertiae optimè consciij, alieno honesto proposito minimè re-
spondent. Ex adverso, probitate insignes, rectitudine animi, ele-
gantiâ vitae, morum concinnitate, & pulcherrimis eximiarum ar-
tium dotibus exornati, propriæ virtuti confidunt, alienæ debito ho-
nore relicto. Tales didicerunt affectuum tempestati frenos iniicere,
superiores admirari, aliosq; agnoscere pares. Tacitus prætero semi-
doctos homines, b. e. figulos, sartores, adjunctis alijs ejusdem fari-
æ, animi sui impotentes prorsus, illis hoc connatum videtur, se in-
vicem odisse. Precipue, si unius, majorem mercatur laudem, al-
teri

terius, industria. Hoc molestissimo circumferunt animo. Et ut vi-
peræ parentis sue ventre eroso nascuntur; ita livor exprava homi-
num amulcatione, & internecivo odio contractus, agrotum exedit
animum, & dolorem pro pabulo habet. Mediam itaque viam, tu
Præstantissime CRUCELI, tenebas, operamque navabas, honeste e-
mulando, emulos tuos amore prosequeris, abjecto omni odio Sic
fit, ut eonsortium cum bonis habere possis, & virtutis, cui unicè flu-
des, auspice Deo, in dies incrementa latabundus videas.

Occupatissimus scripsit

T.

OLAUS ZUHNBERG.

Peregrinie DN. Studiose NICOLAE CRU CELI,
Fautor pariter ac Præceptor multis nominibus
honorande.

Cum mihi locus, licet exiguis, relictus sit, quem devo-
cta meæ mentis gratulatione completere possim, occasio-
nem prætermittere non debeo, quin Tibi, Præstantissime
Præceptor, ex animo gratuler, simulquæ profectus tuo-
rum studiorum collaudem, quos hâc egregiâ Disputatio-
nis Materiâ, haud obscuros ostendere conaris. Altissimum
Numen precibus sollicitare non desistam, dignetur Te,
Tuosque honestos conatus, Omnipotens felicitatis aurâ be-
nignè reficere, & ad felicem studia tua exitum dirigere, ut
vergere possint in S. S. Nominis divini laudem, Reipubl.
emolumentum, & in eorum, quorum interest, solatium.

Sic gratissima mente vorit

GUSTAVUS UNGER/
HOLMENSIS.